Dissertatio inauguralis medica sistens tentamen exactius investigandi qua ratione rheumatismus ab arthritide differat ... / die xxiii. Sept. MDCCXCI publice defendet auctor Loebel Ascher.

#### **Contributors**

Ascher, Loebel. Universität Göttingen.

#### **Publication/Creation**

Goettingae: Typis Barmeierianis, [1791]

#### **Persistent URL**

https://wellcomecollection.org/works/azgwjgux

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org SISTENS

# TENTAMEN

EXACTIVS INVESTIGANDI

QVARATIONE

# RHEVMATISMVS

AB

# ARTHRITIDE

DIFFERAT

QVAM

CONSENSV FACULTATIS MEDICAE

PRO

OBTINENDIS SVMMIS IN MEDICINA ET CHIRVRGIA HONORIBVS

IN

ACADEMIA GEORGIA AVGVSTA DIE XXIII. SEPT. MDCCXCI

A V C T O R

LOEBEL ASCHER

GLOGAVIA - SILESIVS

GOETTINGAE
Typis BARMEIERIANIS.

Quis inuictam me dominam dolorum
Ignorat Podagram in terra mortalium
Quam neque thuris vapor placat
Neque effusus sanguis aras ad incensas;
Non templum diuitiarum vndique suspensis ornatum donariis;

Quam neque Apollo medicamentis expugnare valet

Omnium medicus in coelo Deorum;
Non filius doctissimus Aesculapius:
Postquam enim enatum est primum hominibus
genus

Miscentes semper medicamentorum artificia Alius aliam in me experitur artem —

HA AVOLTAGE ON

LVCIANVS in Tragopodagra,

## VIRIS

PRAECEPTORIBVS AD CINERES VSQVE
COLENDIS

DOMINO

# IOANNI GODOFREDO MORGENBESSER

DOCT. PHIL. AC MED. PROFESS. PVBL. ORD.

ANAT. ET ART. OBSTETRIC. REGII COLLEG.

MED. ET SANIT. DECAN. CIVIT. WRA
TISL. PHYSICO. ETC.

NEC NON

DOMINO

## MARCO HERTZ

DOCT. MED. PROF. PHILOS. PRINCIP. WAL-DEC. CONSIL. AVLIC.

### PIO GRATOQVE ANIMO

D. D. D.

AVCTOR.

Digitized by the Internet Archive in 2019 with funding from Wellcome Library

## PRAEMONITA QVAEDAM

DE

## MORBI NATURA IN GENERE.

Emendatam vel nouam adeo non solum vocis, sed rei desinitionem, me prolaturum esse, si innuere tantummodo vellem, merito temerariae et ridiculosae ostentationis accusandus essem, quum cel. Selle, vir circa rem medicam immortalis, in praeclaro ipsius libro "Rudimenta Pyretologiae methodicae" sine vllo dubio et consentientibus maximis medicis, omnia de hoc argumento egregie explicauerit, quae a Philosopho subtili ingenioque ampla eruditionis copia instructo desiderantur.

Si

2

Si autem quaeris L. B., cur ergo hac de re proloqui mihi visum sit, quum omnia hoc argumentum spectantia a celeberrimo hoc auctore iam ad liquidum perducta sint? scito: consilium meum in scribenda hac praefatione eo duntaxat tendere, vt Viri huiusce experientissimi notiones quasdam principales, ad hanc rem pertinentes, in memoriam Tibi reuocarem, vt statim diiudicare posses, quatenus sententiam acutissimi auctoris perspexerim, vt non folum in hocce meo opusculo, sed in quacunque re artem salutarem spectante, vti in votis est, idearum mearum ordinem huius egregii viri cogitationibus tamquam normae accomodare polleam.

His itaque praemiss, neque superuacuum neque ex vanitate profectum existimatum iri, consido, quod paucis, quantum sieri potuit, verbis generalia quaedam Tentamini huic antecedere iusserim. Si iustam persectamque morbi alicuius eognitionem consequi, inprimis vero si comparationem inter duos constituere conamur, vtrum scilicet et quatenus duo morbi inter se vel differant vel conueniant, merito a nobis postulatur, vt primo casu de vno, vltimo vero de ambobus morbis

- i. e. vt omnia, quae euenire solent phaenomena seu symptomata, verum morbi
  characterem, sensu nosologico, sistentia cum
  essentialia tum accidentalia b) prorsus habeamus perspecta; quo referendae sunt omnes et remotae et occasionales caussae,
  ita vt hac via, quae vnica fere putatur,
- 2) cognitionem morbi indolis, seu caussae, quam dicunt, materialis arripiamus.

  Quum vero ad indolem morbi cognoscendam sola historica de morbo notitia non-A 2 dum
  - a) SELLE Pyretol. method. pag. 16.
  - b) GOENERI Praeceptoris nostri m. v. Pathol. pag. 38,

dum sufficiat, quandoquidem ex hoc sonte certum de natura morbi iudicium nondum sluat, vnum adhuc superest adminiculum, cui cetera omnia, v. c. illud, quod ex cadauerum sectionibus desumitur, longe postponenda sunt c), puta scilicet:

a) Analogiam in medelae methodo, quae certis et diligenter institutis observationibus superstructa esse debet. Vt breuiter et nihilosecius graviter necessitatem et momentum huius subsidii explicem, ipsissimis egregii auctoris supra memorati verbis vtar. Ille enim tam disserte quam scite:

"in chymia corporum, ait, mixtione ex va"ria eorundem ad alia relatione cogno"scimus, sic ad morborum indolis cognitio"nem ipsius medelae ope perducimur, et
"sicut systema mineralogicum naturale abs"que corporum examine chemico condi
"nequit, ita morborum systema naturale
"sine experientia practica, qua probe instituta,

l. c. p. 37.

"stituta, tum demum ad argumentationem, "ex analogia ducimur, nullum est d)".

Atque haec pauca in memoriam reuocata praecepta confilium meum, quod in hacce mea comparatione arthritidem inter et rheumatismum secutus sum, satis desendent.

Prima igitur sectio tractabit de praecipuis symptomatibus tamquam signis pathognomonicis, nec non de caussis arthritidis;
altera comparationem horum symptomatum
et caussarum cum illis instituet, quae rheumatismo sunt propria; tertia curationem
vtriusque morbi continebit, habita ratione
eorum hoc nomine vel discrepantiae vel consensus. Quarta denique sectio ea complectetur, quae ex prioribus sequantur, vtrum
scilicet, et qualis disserentia vtrumque morbum intercedat?

Priusquam vero ipsum laborem aggrediar, ingenue confitendum est, me non A 3

d) l. c. pag. 64.

fine magna verecundia ad tam grave argumentum accedere, quum virium mearum tenuitatem iudiciique immaturitatem probe fentiam, ex altera autem parte de rei gravitate multisque, quas fecum fert, difficultatibus perfualum mihi fit.

Longe itaque ab eo absum, quin totam rem sunditus explicasse mihi sumam;
dummodo huic spei relinquatur locus,
hocce imbecillum periculum ob ipsam imbecillitatem et vitia magnum et excellentem forsan in re medica virum, qui melius huic labori vacare possir, excitaturum
esse, vt propitiori Minerua hoc argumentum tractet, vel me ipsum fortassis 'aliquando, viribus ingenii magis excultis, frequentioreque lectitatione et observatione in.
structum hoc opusculum retexurum esse.

Quod tandem caussam attinet, qua commotus sum, vt iam nunc hunc ingenii mei fructum tam praematurum quam immaturum in lucem emittendi cupidus sim, satis fatis illam in ipsa libelli fronte expositam esse arbitror. Ex more enim in omnibus fere academiis recepto quemque summos in medicina honores adspirantem necessitas obstringit, vt inter alia diligentiae specimina et dissertationem conscribat.

Quum itaque Tibi, L. B. plura adhuc videantur immatura ac parum polita, reputes quaeso, me non ex animi voluntate, sed necessitatis lege coactum scripsisse.

### SECTIO I.

DE PRAECIPVIS ARTHRITIDIS SYMPTO.

MATIBUS, SEV SIGNIS PATHOGNOMONICIS, ET DE VARIIS EIVS CAVSSIS.

Apgoric, Morbus articularis e) germ. die Gicht, gal. la goutte, angl. the gout, b. Het sterecyn. leden Krankheid.

Commune habere videtur hic morbus cum multis chronicis et acutis morbis, quod vera ipsorum natura secundum logices praecepta definire nequeat; quo circa in sola eius descriptione acquiescendum est. Sunt vero eiusmodi descriptionum duo genera, primum minutissima symptomata, totum

e) Veteres hanc vocem simul arthritidem et rheumatismum significando adhibuerunt, donec BALLONIVS in libro de rheumatismo et pleuritide dorsali, Parisiis 1643 primus hos duos morbos discerneret. totum morbi decursum ab initio vsque ad finem, cum omnibus et remotissimis caussis et quam quisque proximam putet, accuratissima narratione persequitur, vt hoe modo eo magis in sensus cadat morbus; alterum ex hac prolixa descriptione tamquam auri ramentum desumit, i. e. summa momenta breuiter colligit, et abstractum eius characterem proponit f). Vtrumque tamen genus confilio meo parum respondet, siquidem prius plura contineat, quam scopus meus postulat, posterius autem pauciora. Vt itaque iustum teneam temperamentum, characterem morbi a plerisque aphoristice duntaxat propositum commentatione quasi interpretabor; non tamen isti ordini semper me accommodabo, quo opus est, quando vel nouum morbum explicare vel tamen incognitum aliquid de morbo alioquin satis noto proferre volumus. Ne A 5

f) Vid. CVLLEN'S first lines of the practice of Physic. Vol. II. pag. 52. cel. SELLE l. c. in appendice. p. 370.

vero male intelligar, et iniquis iudiciis occurram, hoc adhuc praemonendum esse videtur, me in enumerandis signis pathognomonicis et caussis semper arthritidem regularem respicere et anomalae tum solummodo mentionem facere, cum explicatio indolis morbi id requirere videatur, vbi vero definite indicabitur.

Morbo itaque, de quo sermo est, haec verum eius characterem manisestantia signa solemnia sunt; est secundum omnium sere et probatissimorum auctorum testimonium, (quorum nominibus adlegandis chartam haud impleam) morbus haereditarius g); inuadit potissimum sexum potiorem; nam soeminae huic morbo obnoxiae sirma plerum-

g) CADOGANI in libro, Abhandlung von der Gicht a. d. Englischen Frstr. und Leipzig 1772, hoc quidem negat, sed a multis refutatus est, et praesertim, ex mea sententia, acutissime a Car. Geor. SAGER in Diss. inaug. de rheumatismo regulari ac laruato Goettingae 1789.

rumque et quasi virili gaudent structura, et, quod CVLLENIVS h) observauit, eas saepius hoc malum infestat, quarum sluxus menstruns admodum copiosus et largus fuit. Omnium rariffimi hoc morbo corripiuntur spadones; quod quum HIPPOCRATES iam animaduerteret, in eam opinionem incidit, vnicam arthritidis caussam in venere immodica requirendam esse; quam opinionem LIGERVS i) vt erroneam vehementer carpit. Inter mares praecipue in hunc morbum incidunt, qui corpore funt valido ac robusto, eodemque succipleno, praeterea capite magno et monente CVLLENIO k), crassiori reti mucoso. Ill. Selle, hunc characterum ita depingit; "ii, inquit, ad , arthritidem procliniores sunt, qui magnis "pollent viribus muscularibus, laute et magna

<sup>7,00-</sup>

h) l. c. pag. 53.

i) TRAITÉ de la goutte Paris. MDCCLIII.

k) l. c. p. 54. and men, (inquit) whose skens are covered with a thicker rete mucosum, which gives a coarser surface.

"topia cibos valde nutrientes sumunt, et "simul sensibili tamen neruorum systemate "praediti sunt, sine ab ipsa natura, sine "magnis enacuationibus et exinanitionibus, "quibus ingens haec neruorum debilitas ef-"fecta est \*)".

Ratione temperamenti, quod imprimis huic morbo faueat, ill. CVLLENIVS 1), quamvis certi aliquid constituere dubitet, non immerito censet, homines cholerico - sanguineo temperamento, prae aliis arthritide corripi et rarissime mere sanguineos aut melancholicos.

Raro praeterea arthritis homines actiuam vitam degentes vel victu quam maxime vegetabili fruentes infestat, quin gentes vino et potu esteruescente abstinentes
minus obnoxiae huic morbo esse dicuntur,
quam

<sup>\*)</sup> med. clinica. p. 152.

<sup>1) 1.</sup> c. pag. 54.

quam aliae m). Hoc loco LIGERVS n) a plurimis pathologis discedit, contendit enim, cereuisiam magis hunc morbum progignere solere quam vinum, eo tamen excepto, quod ex pomis conficitur; potus itaque huic morbo fauentes hoc ordine enumerat, 1) vinum ex pomis (le Cidre), 2) Cerenisiam forteni, 3) vinum, quamuis tenue, quod tamen ex efferuescentibus substantiis consistit v. c. vinum muscati, et quod ab illo vocatur le vin de condrieux. Quam quidem sententiam historiae testimoniis confirmat, quum in ducatu Burgundiae et Campaniae, vbi maximus vini vsus sit, nullus fere arthriticus inueniatur, in Flandria

m) La Coste Traite pratique sur la goutte etc. à Amstelod. 1757 pag. 55. sequentia hac de re notatu digna habet; "on trouve, en Turquie quantité de vrais Mysyl, MANS, attaqués de la plus mauvaise sorte de goutte, ils n'ont jamais bu de vin, mais ils se sont epuisés dans leurs serails.

n) l. c. p. 75.

dria contra et Normandia, regionibus propter vinum ex piris expressum (le cidre) satis notis, vulgaris fere sit morbus, praecipueque quoniam et cereuisiae fortiores ibi bibantur. Idem observauit Mysgravivs o) inter Damnonios, quibus itidem istiusmodi potus solemnes sunt.

Plerumque ante XXXVtum aetatis annum morbus nunquam aggreditur homines; qui enim iunioribus iam annis arthritide vexati funt, certo multo proniores in hunc morbum fuerunt, ita vt caussarum occasionalium vis facili negotio agere potuerit.

Quum malum igitur sit haereditarium et corporibus praecipue robustis, sensibilibus tamen, insidietur, omnes caussae remotae optime in praedisponentes et occasionales dispescuntur. Caussam praedisponentem quod attinet, quum a peculiari corporis habitu pen-

o) Guil. MVSGRAVE de arthritide primigeia et regulari. pag. 52. 53.

pendeat, iam supra, vbi habitum illum depinximus, ea quae necessaria videbantur, attulimus. Caussarum occasionalium vero iusta exactaque diiudicatio non exiguis laborat difficultatibus, propterea quod in corpore disposito occasiones, quae minimi momenti esse videbantur, morbum ex insidiis vocare valeant; in corpore non disposito contra plurimae harum occasionalium caussarum coire solent, morbo articulari non subsequente. In uniuersum autem hae caussae ad duo momenta referri possunt; vel enim plethoram efficiunt, vel corpus iam plethoricum in statum debilitatis deiiciunt. Primis adnumeranda videntur vita otiosa et sedentaria, cibi valde nutrientes praecipue ex regno animali, copiosior vini vsus aliorumque potulentorum efferuescentium. Altera caussarum occasionalium species, debilitatem efficiens, nimiam venerem, immodicum potuum inebriantium vsum, impeditam vel imminutam digestionem, orta sit siue a nimia ciborum quantitate siue ab eorum

eorum vitiosa qualitate p), nimiam animi vel corporis virium intentionem, vigilias, euacuationes supra modum, cessationem a consueto labore, transitum iusto celeriorem a victu luxurioso ad tenuem, frequentiorem acidorum vsum et tandem perfrigerium pedum complectitur. Ex duabus his caussarum occasionalium speciebus prior magis ad dispositionem quandam conferre videtur, posterior vero plerumque continet caussas excitantes tam primum impetum quam morbi recidiua.

Paroxysmus arthriticus constat imprimis vehementioribus inflamatoriis doloribus quorundam

p) Inter cibos, quorum indoles multum ad hunc morbum producendum facit, ill. Mvs. GRAVE l. c. pag. 66. refert, carnes ferinas, porninas, lampetrae, concharum, cyprinorum, sturionis. De cyprinorum esu pinguiorum assirmat SCHENKIVS, in Obser. med. lib. V. pag. 751, Podagrosum quendam ita huic cibo audientem habuisse podagram, vt in manu illi esset, hoc pacto quandocunque vellet, eam accersere.

rundam articulorum ex inferioribus ertremitatibus. Qui quidem paroxysmus interdum derepente sine omnibus prodromis adoritur, plerumque vero plura ipsius adventum manisestantia symptomata antecedunt: nempe sensus quidem frigoris in ventriculo, quasi aquae inataret; interdum cardialgia, ciborum appetentia tamen incorrupta; nonnunquam cruditatum signa iam ante plures septimanas manisestantur? mingendi dissicultas et veluti vesicae spasmus q); aluus morosa; vrinae magis slauae, profundessa. vae, bruneae, ictericorum, lateritiae r),

q) Vid. STOLL rat. med. pars VIta p. 431.

pag. 5. sequentia de hac vrina profert. "I ,,particularly mention the appearance of ,,the urine be cause the red sedementis a ,,certain criterion of the true instanda Gou-,,and never accompanies a spurious or im ,,perfect attack.

fubinde copiosae limpidaeque simul, aut crystalinae, nonnunquam cum sedimento mucoso albo; grauitas corporis, somni minus reficientes, stante voraci appetitu non naturali, vna procedunt; mens irritabilior et hypochondriasis consueto maior, salacitas subinde; crurum semorumque dein veluti stupor, insensibilitas, spasmodicaeque affectiones ac crampi; pedum sudores consueti euanescunt \*); pridie ante inuasionem maior plerumque hilaritas agilitasque.

Hi sunt morbi prodromi — Reliqua phaenomena et res circumstantes, sub quibus paroxysmus oritur, talia sunt. In iuvenibus nec debilitatis corporibus impetus semper sit mense Ianuario exeunte, vel Februario ineunte s), maturius aut serius, prout calor veris celeriter aut tarde hiemis rigorem excipit; sorsan etiam, quo magis

or Chilem of the site - a marine

<sup>\*)</sup> CVLLEN l. c. pag. 59.

<sup>5)</sup> SYDENHAM. I. c. p. 436.

aut minus corpus vicissitudinibus frigoris et aestus expositum suerit t).

Nonnunquam impetus vesperi persentiscitur primum, plerumque tamen miser sanus adhuc cubitum it u) et hora demum secunda aut tertia noctis expergesactus, doloribus vehementissimis magni digiti pedis, calcanei, vel malleoli cruciatur. Dolores describit Sydenhamys, optimus huius rei iudex, quippe qui per triginta annos molestissimo hoc malo laborauerit, tali modo:

"Hic dolor eum refert, qui ossium di"Etorum dislocationem comitatur, cum sensu
"quasi aquae tantum non frigidae partis
adsectae membranis adsusae — Illico post
accessum huius doloris sit horripilatio et
febris noctu exacerbans, de qua ill. Stollv):
"Si eius mensuram, inquit, ex pulsu caB 2 ,pias

t) CVLLEN I. c. p. 61.

u) SYDENHAM. l. c.

v) l. c. pag. 432.

"pias, ea videtur esse parua et querelis "aegri non respondens". Noctu somni turbati et assidua situs mutatio, donec sub auroram leui madore perfusus aeger incipiat abdormire. Prout febris intenditur circa vesperam noctuque, ita etiam dolor adfectae partis, qui varius esse solet, nunc terebrans, lancinans, morficans, compressivus. Mane euigilans se refectum modice fentit, dolore mitiore, minus febricitat, at partem adfectam reperit dilucidissime rubentem splendentemque et immobilem prae dolore; venae pone partem adfectam tumefcunt, velut ab applicato vinculo w). Post nychthemeron praeterlapsum doloris quidem et febris vehementia dilucide imminuitur, sed prorsus liberatus aeger nondum est, redeunt enim per aliquot dies et dolor et febris sub vesperam, modo maiori, modo minori acerbitate. Tum vero, postquam hoc per plures dies continuatum eft

w) SYDENHAM l. c. pag. 437.

est, morbus interdum prorsus euanescit, et longo demum temporis spatio transactio iterum in lucem prodit. Plerumque eiusmodi paroxysmus, qui, monente Sydenhamo, ex pluribus paroxysmulis constat, non diutius, quam quatuordecim dies durat, quamquam in senioribus atque iis, qui iam saepius hoc morbo correpti suerunt, diuturnioris morae sit; ita vt nonnunquam aegri isti per duos continuos menses in hoc morbo cubare soleant, quin aliqui tantummodo durante aestate ab eo immunes sint.

Paroxysimo autem prorsus absoluto, prissimus sanitatis status perfecte restituitur et homines, omnes corporis et animae sunctiones maiori celeritate et alacritate perficiunt x). Ratione durationis interuallorum inter maiores paroxysimos, hoc adhuc tenendum est, initio impetus singulis trienniis exactis redire; postea vero interualla iam

x) CVILEN l. c. pag. 63.

iam paulatim imminui incipiunt, ita vt primo semel per annum fiat impetus, deinde bis et tandem pluries, durante autumno, hieme et vere. Quemadmodum autem paroxysmi increbescunt, sic etiam diutius remanent, vt tandem, quum morbus maximum ascendit gradum, aeger nunquam fere ab eius cruciatu immunis sit, exceptis duobus vel tribus mensibus aestatis, vti supra iam dictum est. Porro gradus incrementi morbi etiam partibus quae correptae funt, indicatur; initio enim vnus folummodo pes adficitur, deinde ambo, alter post alterum, et ingrauescente malo, non solum ambo pedes sensim corripiuntur, sed dolor, postquam pedem, quem postremo adortus est, satis diu cruciauit, ad priorem redit, quod quidem interdum repetitis fit vicibus. Si morbus iam per aliquot temporis spatium durauit, ideoque et paroxysmus frequentior factus est, vis dolorum paulatim frangitur; quo autem gradu dolores

dolores ingrauescunt, eodem aegri sensim magis siunt valetudinarii, omniaque arthritidis atonicae symptomata accedunt, vt itaque ratio constet inter violentiam dolorum et magnitudinem interuallorum sanitatisque integritatem per tempus interuallorum; quo maior enim violentia dolorum est, eo maiora sunt et intervalla perfectiorque sanitas; nam Sydenhamvs ait, "hoc in morbo dolor amarissimum est natura pharmacon".

Post primos impetus partes, quae ab hoc malo adfectae erant, simulac paroxysmus cessat, pristinam agilitatem et robur prorsus recuperant. Quum autem deinde frequentiores siunt impetus, partes correptae neque tans celeriter neque tam plenam integritatem recipiunt, sed superatis adeo paroxysmis plus minusue manent debilitatae et rigidae, quin tandem eo miseriarum venit, vt ista membra omni motu priuentur.

Multis aegris, quamuis non omnibus, nascuntur, durante morbo notissimi illi tophi in articulis y), qui initio quidem molles, deiude vero obdurescentes, mobilitatem membri magis adhuc impediunt.

Tandem tamquam signum characteristicum notandum est, arthritidem paululum tantummodo inueteratam adsectionibus nephriticis alternare, vel Mvsgravio observante z) vtrumque morbum eodem tempore in eodemque homine adesse; quin in ipsa huius morbi propagatione eadem alternatio locum habet, ita vt, quum parentes calculosi siue podagrici essent, liberi quoque hoc vel illo morbo corriperentur, et quidem sine discrimine suerit parentum morbus

- y) Memorabile mihi videtur, quod Mvs-GRAVIVS l. c. p. 123. istos tophos in arthritico adeo in capitis galea observauerit.
- z) CVLENIVS, hos morbos semper sese excipere, nunquam vero simul adesse, contendit l. c. p. 67.

morbus hic vel ille, e. g. si fuerunt parentes calculosi quidam ex liberis calculosi, alii vero podagrici facti sunt et sic v. v.

Atque haec sunt symptomata characteristica et praecipue caussae remotae arthritidis regularis, quae, quantumuis respectu graduum et ratione coniunctionis inter se disterant, in vniuersum tamen spectatae, admodum sunt constantes, vt vulgarem, qua plerumque arthritis apparere solet, formam constituant, et tanquam regulae suscipiendae sint.

Arthritis irregularis siue anomala tum vero adest, si omnes caussae remotae et praedispositio cum habitu supra descripto eius praesentiam indicant, nisi quod propter multisarias caussas accessorias aliam induat speciem; sed, vt magis desinite loquar, quum summum momentum in arthritide regulari spectandum in affectione inslammatoria artuum a) inferiorum

5 ex-

a) SCOT. 1. c. pag. 5. et 107, CVLLEN. 1. c.

extremitatum consistat, omnia alia symptomata, quae loco horum, ceteris paribus, apparent, arthritidi anomalae adnumerantur. Haec arthritis anomala pro diuersa eius origine in tria genera diuiditur, quorum primum est arthritis atonica, quando natura ex variis impedimentis prohibita est affecliones inflamatorias in articulis extremitatum inferiorum excitare, ideoque earum loco plures molestiae in his partibus oriuntur. Si haec arthritis adest, symptomata morbosa praecipue consistunt molestiis ventriculi, i. e. appetitu prostrato, cruditate cum omnibus malis quae inde sequuntur, nausea, vomitu, flatibus; nec non ructibus acidis, et doloribus circa regionem vmbilicalem.

His accedunt saepius affectiones spassicae in diuersis trunci partibus, superiorumque extremitatum, quae ructibus leuantur. Praeter has ventriculi molestias non raro adest vel obstructio aluina, vel minor diarrhoeae rhoeae vel colicae gradus; quaequidem tubi alimentaris adfectiones faepius plus minusue forti hypochondriasi iunguntur. Nonnunquam viscera thoracis in hac arthritide atonica adfectae partes sunt; quod si est, palpitationes cordis, animi deliquia, asthmata etc. oriuntur; in capite quoque hoc casu animaduertuntur dolores, vertigo, symptomata apoplectica et paralytica.

2) Cognomen retrogradae accipit arthritis, si adsectiones inflamatoriae articulorum extremitatum inferiorum adsuerunt quidem, verum vel tam exigua vehementia, vel breuissima mora, vt non sufficerent salubribus naturae moliminibus prorsus satisfacere; tum dolores extremitatum subito cessant, eorumque locum occupat dolor hanc vel illam corporis partem adgrediens; nascuntur tunc modo haec, modo illa symptomata pro diuersitate partium correptarum, quae hic eaedem esse solent, quam issae, quarum in antecedente specie mentio sacta est.

gia porro arthritis incongrua (mifplaced gout Anglorum) nominatur, si morbus primo statim impetu, quum alias artus
corripiat, internas infestat partes, et quidem
eo discrimine ab arthritide atonica, vt non,
quemadmodum haec, diuturnum statum
morbosum efficiat, sed veram inflamationem,
ab aliis inflamationibus ex aliis caussis ortis nulla ratione discernendam.

Cuius quidem arthritidis anomalae generis diagnosis dissicillima est, quamuis caussae praegressae, phanomena praesentia, nec minus nocentia et adiuuantia quaedam adminicula suppeditare possint. Inprimis laborat dissicultatibus diagnosis eius respectu ad arthritidem retrogradam. Itaque CVLLENIVS b) de hac specie, "Wether the "gouty, inquit, diathesis does euer produce "fuch instamation of the internal parts, wi-"thout having sirst produced it in the "joints, or if the instamation of the internal parts, wi-"points, or if the instamation of the internal parts, wi-"points, or if the instamation of the internal parts, wi-"

<sup>(</sup>a) l. c. pag. 73.

"part be allways a translation form the 
"joints previously affected, I dare not de"termine; but even supposing the later to be
"allways the case, I think the difference
"of the affection of the internal part must
"still distinguish the misplaced from the re"trocedent gout" —

Iam ad fummum momentum accedo. ad quod ea, quae hucusque dicta funt tendebant scil. ad caussam huius morbi materialem seu proximam. Omnes vero easque diuersas sententias, quae ab Hippocrate inde vsque ad nostra tempora hac de re latae fint, ordine hoc loco referre, tum iustos disfertationis limites superaret, nam in immensum excresceret opus, tum valde superuacaneum esset, quandoquidem vnusquisque, quem iuuaret multa ista ac mira cognoscre, quae per omne aeuum de hoc argumento cogitata et scripta sint, facili negotio voti compos fieri possit, dummodo Ligerum, qui omnia circa hanc rem collegit, legat, vel etiam cel. v. SWIETEN,

qui in commentariis suis exactius adhuc hoc praestitit. Nihil itaque faciam, quam vt adnotatiunculam adiiciam, quae simul et meam hac de re sententiam continebit, tam ex lectitatione scriptorum praeclarorum virorum, quot scil. legere contigit, quam ex observationibus circa aegrotorum lectulos mihi natam.

the grade to be redefined a magnetical actions

Enimuero qui exigua tantummodo attentione diuersos auctores de hac re perlegit, statim intelliget, momentum controversum seu dissensum opinionum eo redire, quod, vti in plerisque rebus humanis fieri lolet, extrema nimis sectati sint homines, quae tamen aeque longe a recto veraque rerum natura absunt. Voluerunt enim alii, et praecipue omnes fere veteres, et multi quoque recentiorum, explicationem omnium huic morbo folemnium phaenomenorum et ipsam adeo medelam inde sumere, vt pro caussa proxima solummodo humorum degenerationem haberent; nam plura morbi

ipsius phaenomena et curandi methodi id postulare ab ipsis videbantur. Proinde omnis caussa materialis in peculiari quadam materia peccante latebat, quae pro theoria, tum temporis, principatum obtinente, varia erat. Modo atra bilis, modo efferuescentia spirituum animalium; modo acidum quoddam. Hoffmannvs materiam tartaream sanguinis accusabat c); LIGERVS degenerationem mucilaginofam humorum d). Omnes hae et innumera multitudo aliarum sententiarum de hac materia peccante, hoc habent commune, quod folam materiam, nulla alia ratione habita, respiciant. Alii vero, inter quos post celeberrimum WHITTIVM multi Angli funt, debilitatem huius ab omnibus receptae sententiae times the sorators are comment probe

c) Cuius tamen sententiam, la COSTE l. c. pag. 24. refutauit.

d) Nec minus et haec opinio a cel. Swi-TENIO in Commentar. T. IV. pag. 296. consueta magni huius viri solertia et eruditione consutata est.

probe sentientes, quod neque omnia huius morbi phaenomena, neque curandi methodum ex fola materia specifica explicare possint, in aliud, huic prorsus oppositum extremum inciderunt, et nullam omnino materiam arthriticam tamquam caufsam proximam statuerunt. Morbum itaque neruosis, ex definitione cel. Sellei e), morbis adnumerant, scil. vitium quoddam in vniuerfo fystemate neruoso, vnicam caussam esse putant. Quam sententiam recentioribus temporibus studiosissime et tamquam ex professo, vt aiunt, defendit ill. Cullenius f), qui octo vel nouem argumenta contra existentiam materiae arthriticae protulit, quibus illam impugnare voluit; sed quae omnia, ex meo iudicio, non solum fracta, sed funditus refutata sunt in dissertatione, quae Halae praeside cel. GOLDHAGEN anno 1789 in lucem prodiit g)

e) Md. clin. pag. 355. sequent

f) l. c. p. 77.

g) Examen doctrinae CVLLENIANAE de natur. morb. arthritica auct. Ioh. Sam. Luther.

Cel. Scor quoque huic opinioni addictus est, quamuis simul materiae biliosae rationem habeat.

Quum igitur ambae partes, tum illa, cui omnia ex materia peregrina explicari posse videtur, tum haec, quae omnino eiusmodi materiam negat, vel saltem pro effectu, non vero pro caussa morbi habet, limites, vt iam supra innui, transilierint, sequebatur, vt neutra pars verum adsequeretur, sed tam in explicandis symptomatibus, quam in medela, ipsorum theoriae de caussa proxima superstructa, fallerentur. Manifestum ergo videtur, sententiam de caussa arthritidis proxima, in qua maxime acquiescendum est, esse eam, quae inter haec duo extrema medium tenet locum, et veram morbi rationem cum in vitiofa concoctione indeque orta irritante acrimonia humorum, tum aucta sensibilitate et irritabilitate ponit, vt itaque fluidae non minus, quam solidae corporis partes, caussam proximam coefficiant. Quantum haec opinio eo adiuuatur, quod omni respectu maxime probabilis (quo in rebus aciem effugientibus et litteratis dubiis contenti esse debemus) rationique maxime consentanea sit: tantam accipit mantissam' auctoritate virorum, quorum exacto iudicio multum dandum est. Sydenhamvs enim, vir, cui, si in vllo alio morbo, praecipue in hoc iudicium competit, aperte hanc sententiam probat, dicens; "omnes animi neruos variis "huiusce morbi phaenominis contemplandis ,acriter intendens, illum 'Anstia seu labe-"factatae tam in partibus, quam succis cor-"poris vniuersis, coctioni ortum debere exi-27 ftimo h)".

Iuerunt porro in hanc sententiam inter omnes medicos longe celeberrimus Boerhavivs et egregius eius commentator; cuius rei documenta adserre non opus esse videtur, quum vnusquisque, cui hoc nondum

h) l. c. p. 444.

nondum fatis compertum sit, facile sine me id cognoscere possit; nam placita eorum non folum vno vel paucis verbis continentur, sed disertissime pluribus paginis i) a clariffimo BOERHAVII commentatore exponuntur. Accedit tandem, vt multos alios taceam, auctoritas viri celeberrimi, iam proh! dolor inter coelites versantis, STOL-LII dico, qui luce clarius: interim, inquit, "non in solo humore consistere videtur ,arthritis, sed simul adest excessus irritabi-"litatis k)". Postquam hanc de proxima nostri morbi caussa sententiam tanquam maxime consentaneam exposuerim, licitum mihi sit, priusquam huic sectioni colophonem addam, vnicam adhuc subiungere quaestionem: scilicet vtrum reuera prorsus necesse sit, vt vtraque remota caussa proximam efficiens, nimirum irritabilitas et sensibilitas nimis aucta, et vitium in humorum coctione, num, inquam, necesse sit,

i) p. 331. feq.

k) l. c. p. 445.

vt hae duae caussae semper simul existentes et coordinatae, quod aiunt, fingi debeant? anne potius modo haec, modo illa prima sit, quae aliam tanquam effectum progignat, et quae tunc coniunctae tertium aliquid, arthritidem puta, efficiant? Exemplo quaestionem illustrabo. Nonne verosimile est, morbosum systema neruosum sensim sensimque vitium coctionis creare, et tunc demum has duas caussas morbum producere, et sic etiam inuersa vice; nonne continua deprauata coctione indeque orta acrimonia systema neruosum. ita adfici potest, vt exinde hic nec vllus alius morbus fequatur? Atque haec opinio eo magis mihi arridet, quoniam multa ex ea melius explicari possunt, quae celeberrimi viri WHITT et Scot de similitudine, quae hunc morbum inter et hypochondriacum intercedat, affirmant; praeterea hac via, vti mihi videtur, facilius explicatur transitus tot aliorum morborum in arthritidem, iterumque huius in alios.

Quotiescunque nempe altera ex his duabus caussis per aliquot tempus sola adfuit et per se varios effecit morbos, paulatim vero diuersis caussis accessoriis illam modificationem nacta est, vt et aliam caussam aduocaret, toties alii quoque morbi in arthritidem transeunt; inuersa vice, si vna harum caussarum remotarum ita fracta est, vt coniuncta cum altera arthritidem progignere nequeat, tunc arthritis in alios morbos transit; exempla primi casus exhibent morbus hypochondriacus et hystericus, nec non multifariae neruorum affectiones, interdum in arthritidem transeuntes; sicuti vltimum casum testatur transitus arthritidis in gonorrhoeam 1), fluorem album, etc.

Iam itaque satis de symptomatibus et caussis huius morbi dictum esse videtur, vt nunc eo certius accuratiusque in id inquirere

1) SCOT. l. c. pag. 95. — Si hunc locum cel. viri legeris, coniecturam, quam facere aufus fum, non prorfus absonam iudicabis.

quirere liceat, quid commune habeant haecce symptomata et caussae cum illis, quae rheumatismo sunt propria, vel quid peculiare? verbo: quatenus hi duo morbi, arthritis et rheumatismus, ratione caussarum et phaenomenorum inter se vel congruant, vel a se recedant; atque hoc examen secunda, ad quam nunc progredior, sectio instituet.

## SECTIO IIda.

COMPARATIO INTER ARTHRITIDIS SYM-PTOMATA CVM ILLIS, QVAE RHEV. MATISMO SVNT SOLEMNIA.

Hanc sectionem antequam ipsam adgredior, non possum, quini mei ipsius caussa, duo lectorem moneam. Primum ipse probe sentio, iure a me postulari, si accurate rem tractare susceperim, vt, priusquam

quam comparationem instituam, symptomata et caussas rheumatismi sigillatim persequar; verum vt, hoc negotio omisso, statim ad comparationem transeam, duae fuadent rationes; prima est studium breuitatis, vt scil. superuacaneis repetitionibus supersedere possim, cum eadem symptomata et caussae in comparatione recurrant; altera, quia inanem operam sumsisse viderer, hisce symptomatibus et caussis iam ab optimis auctoribus dilucidissime expositis, vt merito credere possim, ea nullum lectorem in medicorum libris versatum fugere posse; his accedit, quod consilium libelli, qui tentaminis caussa scriptus est, eo non tendat, (saltem auctor huius opellae ab ista arrogantia abhorret) vt lectorem edoceat, sed potius aliis iudicandum proponat, num ipse qui scripsit, argumentum suum satis calleat; atque hic finis aeque obtineri potest si in comparandis his duobus morbis eundem ordinem sequar, quo plerumque rheu-

C 4

matismus describi solet; ita tamen, vt in comparatione descriptio simul contineatur.

Alterum, quod praemittendum putaui, eo confistit, vt solummodo rheumatismum regularem et simplicem intelligi cupiam, sicuti in antecedentibus etiam de regulari arthritide tantummodo sermo suit. Sed haec hactenus.

Quantacunque ssimilitudo inter arthritidem et rheumatismum primo intuitu appareat, tantum tamen dissimilitudinis elucescit, si diutius in his morbis contemplandis moraris, et, quod iam a me instituetur, ad genesin et symptomata vtriusque morbi attendis; ita vt hac ratione (nam de illa tantummodo loquor, nisi ea praesumere volo, quae in sequenti demum sectione explicanda sunt) contendere audeam, duobus hisce morbis prorsus nihil commune esse, quam dolores instamatorios, licet a multis auctoribus magna eorum similitudo celebretur.

Atque haec duo dolorum genera aeque bene distinguuntur, et a quocunque in arte salutari vel mediocriter versato haud minus distingui possunt, quam si, dolore vel praxi vera obuerfante vel folummodo cum ceteris comitantibus phaenomenis accurate descripto, quaestio oriretur: vtrum hic dolor inflamatoriae, an spasticae sit indolis? si nempe ambo dolores simplices ac puri funt omnique carent complicatione, vti hoc loco rheumaticus et arthriticus intelligendus est. Quemadmodum enim illi caussis cuique generi dolorum propriis proaegumenis et symptomatibus manifesti fiunt, (quod exponere hic non locus est) sic etiam vterque hicce morbus, quem iam tractamus comparatus est, si earundem caussarum et symptomatum ratio habetur; quod, vt opinor, certis argumentis probare haud difficile erit, idque eo minus, quo magis ea, quae supra de arthritide dicta funt, ad comparationem cum rheumatismo faciliorem reddendam multum conferent. Iamita-

Iam itaque ab arthritide discrepantia symptomata et caussas rheumatismi eodem ordine persequar, qui in describendo hoc morbo adhiberi solet.

quancunque aetatem agens rheumatismo omnibus anni temporibus obnoxius est, nec non raro homines prosperrima valetudine gaudentes subito ex manifestis et leuissimis caussis eo corripiuntur; quum contra ex iis, quae supra dicta sunt, appareat, arthritidem quaedam tantummodo corpora adgredi, eiusque caussas occultiores, magis continuas et grauiores esse, easque sensim modo vim suam exferentes, ita vt malum gliscens accedat.

Praeterea de arthritide monitum est, eam plerumque mares solum et quidem prorsus adulta aetate demum inuadere, adolescentes vero et mulieres sub quadam tantum conditione; at rheumatismus non solum sine respectu sexus aetatisue homines vexat, sed praeci-

praecipue eos, qui immunes manserunt ab arthritide, itaque secundum regulam supra constitutam mares ab aetate iuuenili vsque ad XXXVmum annum m), et seminae non solum aeque ac viri, sed saepius adeo, obseruante cl. Home n), hoc morbo adsliguntur.

2do) Arthritidis paroxylmi reuertuntur faepe vel absque caussis manifestis o), feruat-

## m) CVLLEN l. c. pag. 11.

- Rheumatismo acuto, vid. Dissertat. inaug, de Rheumatismo acuto, vid. Dissertationes med. Edinburg. vol. II anni 1789 pag. 9. sequentia habet "Vir clarus Dr. Home praxi sua, in nosocomio regio Edinensi edodus, notauit esseminas, quae in rheumatismum incidunt, quantum ad numerum spectat mares plus esquam 3. 1 excedere. Hoc negligentiae illarum, dum proueniunt menstrua, quo tempore systemata muliebria caussis excitantibus facillime afficiuntur, tribuendum putat".
- o) WITHERS observations on the abuse of medicine London. 1775 pag. 48.

feruatque periodos determinatos, id quod nunquam de rheumatismo observatur, et si interdum revertuntur rheumatismi, sit semper post manisestas caussas procatarcticas, vii est perfrigerium, quod quidem et arthritidis reversioni ansam praebere valet, haec autem et absque huiusmodi caussis occasionalibus periodos suas servat. "Ich habe oest, ters bemerket (inquit cl. Vogel p) das , Erkaeltungen bey Podagristen ausser der "gewöhnlichen Periode, wenn das Podagra "sonst wieder zu kommen psteget, eher "Rheumatismen, Catarrhalsieber und dergl. "hervorbringen als das Podagra.

femper digestio est turbata q), quare anorexia aut bulimina, anima foetens, nausea, ructus, slatus, acor primarum viarum, obstructiones alui, vel diarrhoea, excretio foecum foetentium, languor et grauitas membrorum arthritidem, vt supra vidimus, proce-

p) Handbuch d. p. A. K. 2 B. p. 85.

q) VOGEL. 1. c. pag. 83.

praecedunt; quod vero in rheumatismo vel non animaduertitur, vel tantum vt accidentale quid observatur v).

A) Rheumatismus residet praecipue in musculis eorumque membranis s) et per tendines atque aponeuroses interdum quoque per vaginas neruorum latius expanditur; quare mobilitatem membri non omnem suspendit sed tantum quatenus hunc vel illum tendinem aponeurosin vel membranam vinctam tenet t); arthritis vero latius per aponeuroses non expanditur, sed capsulae ligamentari adsixa manet; quare membri quoque mobilitas penitus suspenditur, donec materia arthritica in aliud membrum se receperit u).

Externe

- III. §. 34, MVSGRAVE de arthrit. symptomat. p. 18. Macbride Introductio methodica.

  T. II. pag. 243.
- 2) LENTIN l. c. p. 123.
- t) LENTIN l. c. p. 123.
- w) Conf. plura Sect. Ima loca.

Externe residet arthritis praeter maiores articulationes praecipue in minoribus digitorum, manuum ac pedum, cubitorum, genuum, rarius humeri, rarissime in tota spina dorsi; quod rarissime de rheumatismo observatur, nam maxime vulgaris rheumatismi sedes est humerus et homoplatae superna pars; deinde caput, oculi, fauces, gingivae, aures, collum, pleura, vesica vrinaria, lumbalis regio, coxae et semur, secundum iter sasciae latae v).

5) Stragulorum vel fotuum calore dolorem rheumaticnm exasperari, arthritidem
mitigari, adsirmant cel. Lentin et Vogel
hic vero addit, "welches iedoch nicht von
"chronischen gilt, wenn der leidende Theil
"kalt ist,, w).

6) Quod

v) CVLLEN l. c. pag. 12. LENTIN l. c.

w) Contra hanc sententiam, SAGER l. c. p. 13. Observationem a semetipso sactam adlegat; "ego, inquit, interea tamen in "viro 55 annorum rheumatismo chronico, "scil. ischiatico malo laborante observaui et "ibi dolores stragulorum ope esse auctos.

6) Quod semel adgressus est membrum rheumatismus, praecipue chronicus, diutius et constanter tenet \*); arthritis contra sedem multifariam mutat, praesertim si iam est inueterata.

7) In

\*) Circa hoe discrimen SAGER 1. c. haec monet; "Sed hoc de rheumatismo vago "dici nequit. Sic ego quoque ipse in rheu-"matismo chronico post 8 dies dolorem ex vno femore ad alterum transmigraffe "obseruaui". Sed ex meo iudicio per se intelligitur, rheumatismum vagum hac dicta proprietate eximendum esse; quae tamen nihil omnino ad rem refert, quum grauioris sit momenti, ipsum rheumatismum chronicum contraria prorsus indole esse quam arthritidem inueteratam; rheumatismum vero magis esse vagum, ad acutum inclinare, et inuersa ratione characheristicum esse rheumatismo chronico, vt fixus sit, inter omnes fere scriptores constat, et tanquam canon constitutus est; quem quidem innumeris praestantissimorum medicorum experientiis probatum cel. SAGER vnica a se facta observatione refellere nequit.

- 7) In arthritide vrina et aluus putridum olent, sudor vrinosum x) et vrina post separationem sedimentum rubrum et quasi arenulis refertum deponit, nec aeger vt plurimum nisi tertiam potulentorum, quae adsumit, partem per vesicam reddit y).
- 8) Porro in arthritide, CLERKIO obseruante, vrinae filamenta quaedam innatant, quae exemta crystallos pelluciditate
  aequant, et exsiccata calcem formant albam
  quam doctissimus vir pro vera arthritidis,
  podagrae et calculi materie habet.
- 9) Adfinitas calculi cum arthritide in rheumatismo locum non habet; praeterea in arthritide vel obstinaci iamque inueterata tandem in extrema parte articulorum oriuntur concretiones illae calculosae seu Tophi; nunquam vero hi in rheumatismo sunt observati.

10) Con-

x) LENTIN l. c. p. 125. VOGEL l. c. p. 84.

y) SYDENH. I. c.

Contra autem in cadaueribus arthriticorum nunquam materia illa gelatinosa seu serosa musculis insidens est inuenta, qualem in cadaueribus rheumatismaticorum reperimus a).

- figit in parte interna; (illa scil. quam supra incongruam nuncupauimus) e contrario rheumatismus ab externis partibus ad interiora vergit, vel oriens ab internis caussis exteriora petit b).
- 12) Oritur arthritis directe ex pluribus caussis nunquam rheumatismum gignentibus, vt luxurioso vitae genere, nimio veneris vsu, motu corporis neglecto.
- 13) Adhuc ill. LENTIN c) et Vogel d)
  tale in medium proferunt discrimen, nimirum quod in rheumatismo dolor sebrem,

a) SYDENH. l. c. WITHERS l. c. p. 45.

b) VOGEL l. c. p. 85.

c) l. c. pag. 123.

d) l. c. pag. 84.

si qua sequitur, praecedat; in arthritide dolor sebrim demum sequatur, sebrisque vehementia remittat, simulac membrum tumorem conceperit.

Quod tamen discrimen, licet ab his egregiis viriis, quorum, auctoritati multum tribuendum est, constitutum, addubitare cogor; non quidem ex ea ratione, quae cel. SAGERVM e) induxit, vt id prorsus reiiceret, quandoquidem, vt ille contendit, fieri possit, vt eadem caussa in corpore rheumatismum generans simul et febrim excitet; nihil amplius enim hoc argumento probatur, quam, vt ita dicam, possibilitas pathologica, nec, si quid video, alicuius momenti esse potest, quando de factis sermo est, quae tanquam res experientiae statuunt. Sed ratio, quae me impellit, vt discrimen, supra dictum, addubitem, auctoritas est maximorum testium contrarium asserentium, nimirum quod febris

e) 1. c. pag. 14.

v. g. Sydenhamvs postquam dolorem ceteraque symptomata descripsit, aperte: "Mox, inquit, sequitur rigor cum horrore, et sebricitatione aliquali" \*). Nec minus Mysgravivs sebrim inter symptomata incrementi refert, talia apud eum, itidem post descriptionem doloris et reliquorum symptomatum, leguntur ipsissima verba: "Vigilanti arthritico dolenti, et inquieto, supervienit febricula, siti et aestu corporis, vuinersali comitata \*\*)".

Quibus auctoritatibus nisus (propria scil. experientia destitutus nisil constituo) supra quoque in exponendis symptomatibus arthritidis ita rem descripsi.

Longe maioris ponderis sunt discrimina phaenomenorum vtriusque morbi, quae iam adiiciam.

14) Retropulsa arthritis lubentius corripit ventriculum, intestina, renes et bron-D 2 chia,

<sup>\*)</sup> Syd. I. e. p. 437.

<sup>\*\*)</sup> De arthritide primigen. p. 33.

chia, quam alias partes f); rheumatismns vero facilius ad collum, hepar, lienem, pleuram, vesicam etc. se recipit g).

- tus e corpore eliminatur praeterlapso paroxysmo h). Sed materies rheumatica semper; nisi rheumatismus chronicus antea suerat neglectus.
- gium posteritati vel propinquis impertitur; arthritis vero labe haereditaria et contagio contrahitur; id quod iam supra inter signa pathognomonica arthritidis commemoratum est, simulque indicatum, omnia dubia, quae

f) Conf. h. opusc. Sect. I.

g) VOGEL 1. c.

h) Argumenta huius afferti ex parte iam ex iis elucescunt, quae iu sectione prima de qualitatibus huius morbi attuli, omnia vero collegit SAGER ex MVSGRAVIO. Itaque superuacaneum esse videtur, ea iterum hoc loco stilo persequi.

quae contra hanc opinionem mota fint, aeque diserte ac ingeniose a cel. SAGERO refutata esse.

Tandem non praetermittendum esse videtur discrimen a cl. Vogel i) constitutum, vt hac occasione hance opellam vel vna noua observatione exornem, quae forsan essiciet, vt lectorem non poeniteat laboris perlegisse dissertationem.

Discrimen, cuius modo mentionem feci, ipsis auctoris verbis ita declaratur; "Den "podagrischen Tripper und weisen Fluss, "der vor Clerk von niemandem bemerket "worden, hat meines Wissens nie eine rheu"matische Materie hervorgebracht.

His vero repugnant non solum experientiae LEAKII, MORGAGNII, RIDLINII,
RAVLINII et STOLLII, sed etiam testimonium viri, cuius essata in re medica, merito et saluti totius artis salutaris, tanquam

D 3

ca-

canones spectanda sunt, et reuera ab eru. ditissimis viris nostrae aetatis sic considerantur, dico scil celeberrimum RICHTE. RVM, praeceptorem, quem ex intimo animi affectu deueneror. Qui itaque egregius vir secundum morem suum, nunquam satis laudandum, discipulis suis nouissima semper et grauissima tum ex sua ipsius tum ex aliorum ex. perientia proponendi, observationem nuperrime factam mihi et aliis eius auditoribus enarrauit. Tres iuuenes simul deambulantes in itinere antecessa vehemente aestuatione non minus vehemens perfrigerium perpessi sunt. Breuissimo tempore post omnes simul effluium ex vrethra vna cum omnibus fymptomati. bus gonorrhoeae benignae experti funt, necnon dolores in omnibus artubus vagantes. Quum vel minima suspicio caussae syphiliticae procul abesset, sola antirheumatica remedia adhibita sunt, quibus breui tempore conualuerunt. Iam vero cum unicus eiusmodi casus, a viro obseruatus, cuius acre ingenium atque sagacitas errorem et sallaciam non admittunt, iam sufficiat, ad id probandum, quod probare volumus; quanto magis considendum est, quum haec observatio simul in tribus diuersis hominibus consirmata sit?

Quodsi vnquam hance scriptiunculam dignabitur aliqua attentione vir clarissimus, cuius sententiae haec observatio contraria est, rationem meam, cur hoc scripserim, spero, agnoscet, quae nulla alia est, nisi vt ipsi seu veritati, cui est amicus, officium debitum praestem.

Enarratis, tam accurate, quam fieri potuit, omnibus tum veris tum putatiuis discrepantiis, quae arthritidem inter et rheumatismum omnibus fere temporibus notae sunt, supersunt ea adiicienda, quae plurimi scriptores de caussa proxima rheumatismi cogitauerint, vt haec cum illa arthritidis comparentur. Atque hic om-

nes k) fere eo conueniunt, caussam rheumatismi proximam tribuendam esse acri materiei in vasis lymphaticis haesitanti, qua nerui tum praemantur, tum propter eius acrimoniam irritentur.

CVLLENIVS folus esse videtur, qui etiam hac in re, vti in arthritide, peculiarem materiam reiicit, prorsus nouam de rheumatismo constituens pathologiam, vtpote qui affectionem inslammatoriam in vasis sanguiseris vna cum quodam rigiditatis gradu in sibris muscularibus pro caussa proxima rheumatismi acuti habeat, rheumatismi vero chronici atoniam et rigiditatem tam sibrarum muscularium quam vasorum sanguiserorum m).

Sed

k) MACBRIDE l. c. p. 243. STOERK annus med. p. 115. NICOLAI patholog. p. 436. SYDENH. l. c. 273. BOERHAVE de cognosc. et cur morb. §. 1491.

m) l. c. p. 26 — 34.

Sed omissis pluribus aliis dissicultatibus, quibus haec explicandi ratio obnoxia est, censeo, 1 mum secundum consuetas in pathologia receptas notiones atoniam cum rigiditate coniunctam in muscularibus sibris et vasis sanguiseris cogitari non posse, quamuis praeceptor, quem pie deueneror, cela Hertz \*) merito moneat, debilitatem nera norum tam a nimia rigiditate quam slaccia ditate pendere posse. 2do Quomodo ex sola atonia sibrarum muscularium vehementes dolores explicari possint, non video; alias observatur in morbis atoniam doloris vacatione gaudere.

Nouimus tam multas rheumatismorum spuriorum species, v. c. rheumatismum a caussa scorbutica, syphilitica, cancrosa, scabiosa etc. quid impedit, quo minus et simplici rheumatismo, vbi omnes istae caussa rheumatismi spurii non reperiuntur, peculiarem materiam, genus seu rheumatismum.

D 5 tismum

<sup>\*)</sup> Briefe an Aertzte 2te Samlung.

tismum verum constituentem, adscribamus? Quum faepius in nostra disciplina species describantur, quamuis genus ignoremus, seu vbi saltem genus nunquam in sensus nostros externos incurrit, v. c. miasma peripneumonicum; quidni? in hoc morbo genus recipiamus, in quo accuratissime omnes species enarrare valemus, et omnia phaenomena, tum crisis, materia gelatinosa in cadaueribus, etc., tum frequentissima remota caussa, puta transpirationem suppressam, quin omnia fere eiusmodi materiam in rheumatismo vero adesse, nos docent? - At non indiget res mea defensione, quum, vti supra dixi, inter maximos medicos prisci et recentioris aeui constet, in rheumatismo propriam irritantem materiam latere. Sic, vt pauca tantum et grauissima testimonia asteram, Macbride; "Observatio, inquit, attentior "demonstrat, duo genera distincta ab iis "constitui, acrimoniam rheumatismaticam ab ,arthritica minimum tantum differre, quan-,tum

,tum, quae morbillos parit, materia mor-"bifica dinersa est ab ea, ex qua variolae "nascuntur" n) — Cel. Selle o) ita sententiam explicat. "Und endlich, inquit, soscheint sich die rheumatische Materie von "der arthritischen darinn zu unterscheiden, ,daß jene ein Abkömmling von dieser ift, "und daß es bey der rheumatischen Ma-,terie an Kräften fehlt, um sie so zu "verarbeiten, daß sie zur gichtischen werde; "wenigstens ist die gichtische Materie weit , subtiler als die rheumatische". - STOERK quaestionem proponit, an in sero sanguinis praecipua sit mali sedes p)? Praeterca egregius hic observator magnam exemplorum multitudindm enarrat de rheumatismis methastasibus ichorosae materiae fanatis, vbi nulli dubitationi locus est, vtrum materia transposita effectus, an caussa morbi fuerit.

De-

n) l. c. p. 240.

o) Med. clin. p. 154.

p) ANNVS med. II. p. 115.

Denique cel. Cotvnivs in eximio eius libro, de Ischiade neruosa, tam manifeste, opinor, probauit materiam rheumaticam tanquam caussam proximam rheumatismi, vi nulla theoretica subtilitas hanc veritatem infringere possit.

Iam vero, postquam de comparandis caussis et phaenomenis vtriusque morbi tantum dictum sit, quantum per limites huius libelli dici potuit, ad vtriusque morbi melam inter se conferendam me accingam, vt appareat, qualis sit hoc nomine vel confensus vel dissensus, vtque hac disquisitione instituta iudicium de natura discriminis inter hos morbos ferri possit.

## SECTIO IIIia.

ARTHRITIDIS ET RHEVMATISMI MEDE-LA, HABITA RATIONE EORVM HOC NOMINE VEL DISCRIPANTIAE VEL SIMILITYDINIS.

Quemadmodum in antecedentibus sectionibus consilio mihi propositio sufficiebat,
pathognomonica tantum signa et praecipuas
vtriusque morbi caussas attulisse, sic etiam
hoc loco non opus est, vniuersam curandi
methodum toto ambitu persequi. Itaque
probatissima duntaxat et ab optimis scriptoribus laudata remedia, secundum indicationes generales, in medium proferam.

Qunm praeterea cautelae in singulis remediis adhibendae generalioribus praeceptis nitantur, quae etiam in aliis morbis valent, eas solas attingam, quarum obseruatio inprimis in his morbis sanandis requiritur. Tandem de arthritide et theumatismo

tismo simplici sermonem esse, non vero de complicationibus et spuriis speciebus, ne verbo quidem monendum.

Quum antea de arthritide primo loco tractare solitus sim, etiam in hac sectione primum obtineat locum.

## A) Cura arthritidis.

In regulari arthritide, de qua iam praecipue loquimur, quum impetus certis tantummodo temporibus seu periodis inuadant, et in interuallis absoluta fere omuium sunctionum integritas adsit, medela hanc ipsam ob caussam duo habet momenta, nempe

- a) curam paroxysmi, quae omnia ea amplectitur, quae durante paroxysmo ipso adhibenda sunt, neque eo consilio, vt eum depellamus, sed nimiam eius acerbitatem leniamus, tolerabiliorem reddamus, vel mortem imminentem arceamus,
- b) Curam radicalem vel prophylacticam, quod prius nomen illi conuenit, ob bonam medici voluntatem, posterius autem ratione

ratione effectus, quem aeger ab ea experitur, verius esse videtur.

Licet enim triplex propositum sit medelae in omnibus, quae praecipiat, scilicet vt vel in disposito, vbi nondum in lucem prodiit malum, occurrat et praecaueat, vel, vbi iam paroxysmis quibusdam manifestum factum est, prorsus exstirpet et deleat, vel tandem id saltem efficiat, vt impetus quam rarissimi et lenissimi euadant, vltimum tamen, quod dolendum! plurimis casibus solum obtineri solet, et quidem maxima medici et aegri diligentia. Nam vera cura radicalis, quatenus confilio et arte effici potest, (casu quidem, vulneribus vel vehementioribus animi pathematibus paroxysmos subito euanuisse nec vnquam rediisse, historia medica multis probat exemplis) tam raro felici fuccessu gaudet, vt maximi tum prisci tum recentiores medici eam impossibilem praedicent et solummodo tanquam pium desiderium

considerent. Iam Aurelianvs q) non so. lum omnes dissicultates huius medelae radicalis bene nouit, sed etiam caussas earum expresse descripsit q), et nostris temporibus egregius Stoll talem sententiam ser: Non speres, ait, neque facile tentes radicalem arthritidis curam, si aeger annosam iam habet et sere continuam arthritidem; ita enim tunc morbus coaluit cum toto homine, ut eum pessundes potius, quam ex toto ob arthritide liberes r).

Primum itaque agatur de remediis in ipso paroxysmo in auxilium vocandis.

Quia hic aeger semper in statu febrili versatur, inprimis febris indoles spectanda est, eique tractatio accommodanda: ita tamen, vt semper diaphoresin respicias.

Febre igitur ad biliosas vergente symptomatibusque sordium admodum vrgentibus

q) morbor. chronic. Lib. V. cap. II. p. 560. \*) l. c. p. 449.

bus, initio soluentia antibiliosa, emetica lenia vel catharctica, prout materia vel sursum turgescit, optima et saepe admodum salutifera remedia sunt; simul quies et tenuis victus commendanda sunt. Inter euacuantia in hac febre emetica aliis praeferenda videntur, quia minus debilitant, quam purgantia, et insuper magis sunt antispastica et diaphoresin promouentia. Quodsi vero res ac conditio remedium laxans necessario estagitarent, lenissimum sit; v. c. serum lactis tamarindinatum, tartarisatum, vel, quod LENTINS) mauult, infusum laxat. managet. absque semine coriandri cum mirab. Glauberi, vel fimilia.

Si febris magis ad inflammatorias sese inclinat, vel si prorsus inflammatoria est, quemadmodum a plurimis observatoribus describitur, pulsu duro et pleno, et doloribus vehementissimis, apparatus antiphlogisticus toto ambitu locum habet, duabus tamen rebus

s) l. c. p. 126.

rebus exceptis, nimirum ex altera parte frigus externum non admittendum, ex altera modicus boni vini vsus non denegandus est, praecipue si miser debili ventriculo laborat et antea vino adfuetus fuit. In vena fecanda, (nam solet in hoc casu, praecipue in iuuenibus ac robustis, vena secari) maxima cautio, tum propter regulas generaliores, tum propter duas hic praecipue spectandas rationes, observanda est; prima ratio est, quia secundum probatissimam cel. MEADII t) experientiam, venaesectione dolor ab alio loco ad alium propellitur, ideoque egregium remedium est, quandoquidem nobiliores partes, quae ab arthritide cruciantur, liberare possimus venaesectione; sicvti vero arthritis retrograda hoc remedio in regularem mutari potest, ita etiam inuersa ratione paroxysmus regularis hac ipfa re retropelli folet u); altera ratio, quae prae-

t) Monita & praecepta med. p. 201. v. SWIET.

1. c. p. 345.

cipuam prudentiam in phlebotomia fuadet, eo consistit, ne corpus nimis debilitetur et sic ad arthritidem atonicam disponatur. Quodsi igitur indicationi quolibet tempore eminenti satisfactum, et febris eo euidenter imminuta est, tum a diaphoreticis primo lenibus deinde fortioribus multum sperandum est. Exordiaris ergo ab infuso saturato cardui benedicti v. Sambuci, mixtura cum rob. Samb. et Spirit. Mindereri et pergas ad ptisanam ex radicibus Sarsaeparillae, Chinae, Bardanae v), ad Camphor. w) liquor C. C. fuccinat. aliaque. Simul vero victus vegetabilis et diaphoreticum regimen observetur; maneat itaque miser in lectu, donec sensim sensimque crisibus partialibus, sudore et vrinae hypostatica, (quae întra vnumquodque nychthemeron fiunt) materia nociva prorsus eliminita sit, tonus partium affectarum restitutus, et hac ratione paroxysmus, qui, vti ex antecedentibus apparet, modo

v) LENTIN 1. c. pag. 126.

w) La Coste l. c. p. 65.

modo per XIV. dies, modo diutius durat, omnino cesset. Tandem inter remedia in hac morbi periodo adhibenda commemorandum est opium; nam nunc demum, vbi omnia symptomata sebrilia euanuerunt, et dolores adhuc somnum nocturnum inquietant, ante cubitum guttulae quaedam laudani x) cum fructu propinantur. Initio vero paroxysmi plus damni quam salutis adsert.

Haec fere sunt praecipua aeque probatissima interna et vniuersaliter vim exserentia remedia (quocirca et venaesectio illis adnumeratur) quae durante paroxysmo praecipi solent.

Inter externa et topica, quorum ab omnibus temporibusi ingens cohors ad dolores leniendos commendata fuit, v. c. cataplasmata emollientia, anodyna, inunctiones cum balfamo fulphuris therebintinati, verberatio cum vrticis, moxa y) cetera; duo folum-

x) CVLLEN l. c. pag. 113. SIDENH. l. c. p. 476.

y) BOERHAAVE de Cog. et curand. morb. §. 1278.

solummodo reperiuntur, quae cum securitate et spe prosperi euentus applicari possunt, nempe

- a) hirudines, quarum quidem vsus in ea periodo optimus est, quando membrum dolens tantum rubet, non vero tumet; minime contra applicandae sunt membro sudare iam incipienti.
- b) Alterum remedium externum non minus securum et salutiserum est inuolutio ope panni mollis, (Flanel) vel ex sententia cel. Lentini, panni cera viridi therebintina obducti, (grünes Wachstuch) quo pedes iusta transpiratione seruantur. Omnia alia topica vel omni fructu 'carent, vel adeo materiam maximo, miserorum damno retropellunt.

Postremo postquam haec remedia ex. spectatum successum habuere, et paroxysmus prorsus absolutus est, quidam a) in vniver-

a) LIGFR l. c. p. 239. La COSTE l. c. p. 69. STOLL. l. c. p. 455. Quin Chey-E 3 ney versum exigiuum laxans ad corpus a materia arthritica omnino purgandum commendant; quod tamen alii, quorum princeps Cullenius est b), dissuadent, itidemque in genere, quandoquidem inde morbus facile recidiuus sieri possit.

Interim nihil de hoc remedio in genere dici posse censeo, sed vsum eius in vnoquo-que singulari casu, ex vniuscutusque individui statu diiudicari debere, vtrum scil. indicatio, an contraindicatio maioris momenti sit.

Quid in tribus arthritidis anomalae speciebus agendum sit, proprie huc non pertinet, tamen et quia in priori sectione mentionem illarum seci et ne nimis impersectum sit opusculum, quam breuissime potero, praecipua duntaxat remedia saltem nomi-

ney omnem paroxysmi curationem solis abfoluit purgantibus, vnoquoque mane sumendis et vespera opiatis. vid. SCOT. l. c. p. 122.

b) 1. c. p. 114.

nominabo, quae durante paroxysmo retro. gradae et incongruae arthritidis in subsidium vocanda sunt. Quae ad atonicam spectant, quum sit magis chronica, infra, vbi de cura radicali dicetur, socus magis idoneus erit paucis hanc anomalae speciem tangendi.

Si igitur in retrograda ventriculus pars affecta est, optimum remedium esse videtur vinum candidum et generosum c) vel vna cum aromaticis, vel si id nondum sufficiat, spiritus ardentes d), cum assa soetida, seu solutio assa foetidae in alcali volatili e), Electuor. thebaic f) et camphora, moschus, etc. Si sorsan cum affectione ventriculi crebri vomitus coniuncti essent, initio aqua tepida

E a vino

c) SYDENHAM. l. c. p. 474. CVLLEN l. c. p. 119.

d) CVLLEN l. c.

e) ibid.

f) ibidem.

vino mixta eos adiuuare potes, deinde vino solo, et tandem, vbi opus erit, aliis supra memoratis remediis. Idem faciendum est accedente diarrhoea. Ad externa remedia, non solum in hoc rerum statu, sed etiam quando materia in quancunque aliam partem delata est, vtiliter adhibenda, referas balnea aquae tepidae, cui semen sinapi insusum supra cantharidum adplicatio, vel sinapismus acrior, pediluuia, semicupia, moxa g) etc.

Si materia arthritica in pulmonibus deposita est, et asthma, peripneumonia spuria etc. oriuntur, antispasmodica, opium, visicatoria in pectore et pediluuia efficacissima remedia sunt.

Arthritide cerebrum inuadente, et vertigine, apoplexia et paralysi accedente, vnica remedia, a quibus aliqua salus speranda est, sunt vesicatorium vniuerso capiti impositum, irritantia, de quibus supra mo-

g) STOLL. I. c. p. 454.

nui, extremitatibus applicata, et interne data excitantia neruina.

Altera species, hoc loco memoranda, illa est, quam supra incongruam (misplaced) nominaui. Quum autem haec, vti supra in eius descriptione expositum est, in affectionibus inflammatoriis acutis earum partium, quas adoritur, consistat, atque istae affectiones inflammatoriae nihil disserant ab aliis inflammationibus, quae aliis caussis ortum debent, sequitur, vt cura sit talis, qualem omnes aliae inflammationes requirunt.

Paroxysmo igitur, fuerit siue regularis siue irregularis, prorsus desinente, ita vt aeger vires iam recuperauerit, ad alterum medelae momentum circumspiciendum est, puto:

Curam radicalem seu prophylasticam.

Quam difficilis vero illa sit et quam rarissime votis nostris respondeat, licet nec a medico nec ab aegroto quidquam E 5 omis-

omissum sit, iam in vniuersum supra disputatum est; non possum tamen, quin hoc loco et istud adiiciam, in quocunque morbo mali ominis esse et semper difficultatem curationis portendere, si magna remediorum multitudo est, praecipue cum in hac medicaminum farragine multa reperiuntur, contrariis viribus praedita, quod in eiusmodi casibus ita comparatum esse solet; exemplis inseruiunt tenia, hydrops cerebri, calculi vesiculae felleae et vesicae vrinariae, colica pictonum, etc. Contra omnes hos et multos alios his fimiles morbos innumera fere ab omnibus hominum aeuis remedia commendata sunt, et nihilo secius exempla, vbi cura bene cessit, rarissima; par quoque ratio nostro morbo est respectu curae radicalis. Atque haec ipsa eximia curationis difficultas, vt aciem mentis ad finem mihi propositum vertam, nonne essentiale discrimen inter arthritidem et rheumatismum constituat? quum hic multo frequenquentius et multo facilius, saltem donec nondum inueteratus est, sanetur? Sed haec tantum in transitu dixerim; iam ad ipsam curam radicalem accedo.

Consentiunt fere omnes hucusque memorati scriptores h), vnicum remedium, si vsquam secura reperiatur ratio, de qua exspectentur ea, quae nomen huius curae prae se fert, solummodo in diaeta idonea et omnino vitae genere prudenter variato quaerendum esse; quae quidem per continuum tempus observari debent, nisi speratis excidere velimus. Sigillatim vero hanc diaetam et vitae agendae rationem persequi, tum longum esset, tum a scopo, quem tendo; abhorreret, praeterea La Coste i) Cullen k), et Scot 1), satis prolixe

h) Mysgrave, Sydenham, Boerhaave, v. Swieden, Liger, Stoerk, Ovarin, Macbride, Stoll, Cyllen, Scot, La Coste etc.

i) l. c. p-84-94.

k) l. c. p. 94 - 104.

<sup>1) 1.</sup> c. p. 139- 150.

prolixe rem expanderunt. Satis ergo nobis sit, generaliora quaedam de his, quae haec diaeta et vitae genus complecti debeat, disserere.

Quod igitur ad cibum attinet, optimum quidem esset, si ab omni esu animalium prorlus abstineretur, et omnia aegri alimenta fola ex lacte et vegetabilibus farinaceis m) constarent. Sed tanta abstinentia multifariis laborat difficultatibus vsum eius impedientibus; nam primo paucissimi eam susciperent, vitaeque rationem ei accommodarent; dein homines vel annis vel morbo ipso iam fracti nimis ea debilitarentur, quocirca iuuenibus tantum et robustis initio praecipienda esset; verum et in his non exigua difficultas apparet, nimirum quod, quantumuis ista seuera continentia paroxysmos leniores et rariores reddere valeat, certissima experientia etiam comprobatum sit, vel minima ab illa diaeta

ab-

m) CVLLEN I. c. p. 98.

aberratio paroxysmos multo violentiores efficere, quam antea, nec raro miserum in mortis periculum detrudere. Hae et multae aliae difficultates prohibent, quominus victus tantummodo ex lacte et vegetabilibus conficiatur; possunt et debent ideo vegetabilibus tenera et concoctu facilia carnium genera adiungi; dummodo aeger seras et immodicas coenas caueat.

Potui optime inseruit aqua pura, quamquam senibus aliisque vino antea adsuetis, vinum oligophorum concedendum sit.

Vestitus is sit, qui paulo densior est, quam pro ratione temporis. Sero deponat aut nunquam vestes hyemales. Perfrigeratio vitetnr. Etenim leuis perfrigeratio invitat paroxysmum. Largior diaphoresis interdiu et noctu iis est necessaria.

Habitet, si per alias conditiones ipsi liceat in amplo cubiculo, loco elato, ruri per aestatem. Pessima est complicatio scorbuti cum arthritide, quae tamen euenit in habitatione humida. Animus quoque componi debet, studia seueriora, nocturna, ingrata, post pastum culta remouenda. Sunt qui vnice in recuperanda valetudine versantur, at ita anxii, vt omnis eorum cogitatio circum hoc vnicum sit. Oblectent animum studiis amoenioribus, et vbi meditatione aut longa sessione opus non est. Equitatio non adsuetos et equo pernici hos laedit.

Obstructio aluina maxima cura deuitetur; qua propter e re erit, subinde, si opus est, laxans lenius propinare; idque non nimis purgans, sed aluum tantummodo laxam seruans; cui consilio inseruiunt praeter alia, aloetica rhabarbarina, magnesia alba, slores sulphuris n), ex quibus modo hoc, modo illud eligatur, pro tempore ac conditione vniuscuiusque aegri.

Denique omnibus hisce diaetae et regiminis praeceptis, conditio, vt aiunt,
sine qua non, addenda est, vt nempe
omnes

n) CVLLEN l. c. p. 106.

omnes supra recensitae caussae excitantes omni cura ac studio praecaueantur.

Hae in genere duntaxat propositae diaetae et regiminis cautelae summam curae prophylacticae continent, ita quidem, vt continua et diuturna earum observatio vsum propriorum medicaminum supervacaneum reddat, et tamen sinis exoptatus obtineatur. Quum autem haec seuera vitam agendi ratio, quantuis paululum iam remissa, non tam religiose et constanter, quam opus est, excerceatur, omnibus sere temporibus, vitia diaetae variis peculiaribus medicaminibus compensare studuerunt.

Atque haec, tum a medicis, tum a medicastris, in hunc sinem commendata, hoc loco omnia enumerare, labor aeque molestus ac superuacaneus foret, praecipue quum plurima eorum nostra aetate abolita sint, postquam multa, quae olim laudatissima suere specifica, vi inutilia et nociua cognita sunt; qualia v. c. sunt diacen-

taureum Coelii Aureliani veterum, et puluis ducis Portlandiae recentiorum o). Efficacissima vero, probatissima et nostris medicis vsitatissima remedia, quorum enarratio mihi sufficiat, sunt:

dis et pituitosis sub variis sormis, vt a) Tinct. volat. Guaiaci Londinens. b). Elix. volat. Edinburg., a Dawson admodum laudatum; habet tamen hoc incommodi, quod aqua propinandum sit, qua magno pars praecipitatur, ideo paululum G. arabici admixtum amat; c) Solutio G. Guaiaci in rum, quod vocant p); d) cum sloribus sulphur. et cremor. tartar. q).

vrget. Cel. Quarin coniunctum cum Sarsaparilla

o) CVLLENIVS, e centum, qui hoc pulvere vsi suerunt, intra vnum alterumue annum nonaginta ac imprimis apoplecticos obiisse testatur.

q) STOLL. 1 c. p. 459.

q) Hannoverisches Magazin anno 1777 36 Stueck.

parilla exhibet. Dosis ingredientium et decocti bibendi pro diuersitate aegrorum et morbi pertinacia variat. Nullum, inquit, in arthritide chronica praestantius remedium animaduerti r).

- 3) Aconitum s). In London. medecal Iournal plurima exempla exstant, vbi ope huius medicaminis vna cum cicuta propinati arthritides quam maxime inueteratae exstirpatae sunt.
- 4) Radices Taraxaci et Cichorei de coquendae et praelo exprimendae, cum Syrup. rad. quinque aperientium, terra foliata tartari v. tartarif. t).
- 5) Lac ebutyratum, mane instar ientaculi vesperisque sumtum, "egregium est sol-"vens antarthriticum, inquit cel. Stoll u).
  - 6) Trifolium fibrinum v).

7) Al-

- v) Animaduers. pract. p. 279.
- s) STOLL l. c. t) l. c. p. 458.
- u) ibid. v) Actis Hauniens. vol. I. p. 461.

7) Alcalia, v. c. Alkahest Glauberi, spiritus nitri sixi aqua calcis, sapo venet. w).

- 8) Cel. Lentin x) acidum Halleri, domitorem arthritidis nuncupat. Repugnantiam in oculos incurrentem, qua hoc remedium alteri modo nominato contrarium est, aliter explicare nequeo, quam vt arthritidem a Lentino observatam forsan spuriam suisse censeam, et quidem a caussa scorbutica; saltem regio et homines, in quibus animaduertit vir clarissimus, id probabile reddunt.
- 9) Rhododendron chrysanthum magnopere laudat Koelpin y) et quidem infusum ex stipitibus et foliis.

10) Pulsatilla.

- pro potu ordinatrio z).
- 12) Aquae minerales, quae ferrum et fal amarum continent a).

Ha-

- w) LIGER l.c. p. 292. et seq. x) l.c. p. 127.
- y) Von der syberischen Schnee-Rose.
- z) FRITZE med. Annalen.
- a) QVARIN l. c. p. 277.

Habes iam quaedam ex praecipuis remediis internis, quorum vsus in cura radicali haud irritus erit. Praeter haec adhuc quaedam externa commendantur, inter quae prae aliis eminent:

- 1) Frictiones siccae, (Flesh brush, Anglor).
- (Flanel-Wams).
- 3) Diuturnus vsus balnei sulphurei, veluti Baadensis, Carolinensis &c.

Insuper passim occurrunt in scriptoribus multa alia, v. c. balneum frigidum, sumigationes siccae, natationes, (Stürzbad), vesicatoria, alia; haec vero ei arthritidis anomalae speciei conuenire videntur, quam
atonicam vocant, et de qua paucis adhuc
monebo, quoniam, vt supra innui, cum
molestiae eius chronicae sint, magis con
sentaneum est, trastationem eius in curam
prophylacticam differre, quam statim in cura paroxysmi de ea verba facere, vbi ce-

teris anomalae speciebus magis idoneus locus erat.

Quandoquidem omnium molestiarum hanc arthritidem atonicam comitantium nimia vniuersi corporis debilitas in culpa sit, omne curae negotium eo absoluitur, vt corpus roboretur, ita vt saltem paroxysmi regulares reddantur, quamobrem

1 mo euitentur, quantum fieri potest, caussae debilitantes,

tam interna, quam externa: ad interna refer a), victum animalem cum modico vini vsu b); omnia medicamina roborantia tonica, hic nullas alias cautiones, quam generales efflagitantia, excepto tamen cortice Peruuiano, vtpote qui singularem cautelam postulet, ne eius vsus nimis diu continuetur, quia ex observatione CVLLENII b), nimia eius continuatio, vti pulueris Ducis Port-

b) l. c. p. 117.

Portlandiae, saepius asthma, apoplexiam et hydropem accersit.

Remedia externa hic eadem sunt, quae supra contra atonicam commendaui, vt balnea frigida c) natationes, (Stuerzbad) sumigationes siccae, vesicatoria, sonticuli, moxa etc.

Ac nunc quidem praecipua de arthritidis cura in medium prolata esse videntur, quatenus scil. propositi consilium essagitauit; iam ad alterum huius sectionis momentum, nempe

B Curam rheumatismi simplicis accedo.

Secundum caussam proximam, supra commemoratam, duae hic reperiuntur indicationes.

Indicatio I. materia rheumatica stagnans soluenda, mitiganda et euacuanda; motusque sebriles atque dolores vehementes, vbi praesertim periculum imminet, minuendi.

Indicatio II. Partialis et totalis corporis debilitas tollenda; sicque recidiuae impediendae.

#### Indicatio I.

Materies rheumatica stagnans soluenda mitiganda et euacuanda. Huic sini respondent resoluentia et euacuantia diaphoretica.

## a) Externa remedia.

Hisce annumeranda sunt: 1) calidiora vestimenta partium assectarum, quae pannis laneis camphora imbutis seu sumo succini impraegnatis aut indusiis laneis d), praecipue vero linteo viridi cera obluto e) (grünes Wachstuch) obteguntur — 2) Frictiones ope pannorum laneorum f) vaporibus balsamicis impraegnatorum, seu ope vnguentorum discutientium ex linimento volatili et camphora, vnguento saponato, et in casu obstinaci ex vnguento mercuriali — 3) Infrictio spiritus Minder., tinctur. cantharid. g) per se seu in

con-

d) VOGEL l. c. 2 B. p. 128.

e) Tissot avis au peuple à Lausanne 1785. p. 202.

f) BROKLESBY Beob. v. Feldkrankheiten a.
d. Engl. d. Selle p. 90.

g) VOGEL l. c. p. 121.

connubio aliorum remediorum — 4) Fomentationes discutientes ac emollientes ex decocto herbar. emollient. c. sapone veneto — 5) Cucurbitulae siccae in vicinia partium affectarum applicatae, quas saepe se cum fructu adhibuisse, ill. Stromeyer, praeceptor ad cineres vsque colendus, affirmat. — 6) Epispassica; sic sinapismi h), Empl. ex fermento panis cum sale amoniaco, Empl. Gummos. cum parua vesicatorii parte i), Emplast. ex calce viua cum melle, a Tissot h) laudatum etc.

Efficaciora adhuc sunt vesicatoria 1) seu vicera artificialia ope corticis Mezerei, Setacea et sonticuli, seu inustiones m) quae ope moxae aut lanae sinissimae aut gossypii instituuntur — 7) balnea natu-

ralia

h) ibid.

i) MACBRIDE l. c. p. 249.

k) l. c. T. I. p. 202.

<sup>1)</sup> VOGEL l. c. p. 125. MACBRIDE l. c.

m) BOERHAAVE aphor. 1493. v. SWIETEN 1. c. p. 672, Poutan Melange de Chirurgie à Paris 1782. T. I. p. 1.

ralia et artificialia praesertim sulphurea—

8) balnea vaporis ex aceto seu spiritu vini
cum herbis aromaticis, semicupia et balnea
vniuersalia tepida n)— 9) Electrisatio o).

# b) interna remedia.

Si adhuc quaedam suspicio sebris adest, propinanda sunt refrigerantia resoluentia et leniter diaphoretica; si vero sebris magis prona esset ad febrem pituitoso - catarrhalem, magis calesacientia diaphoretica in vsum vocentur.

Priori in casu ergo 1) potus refrigerantes et diluentes 2) Insusum slorum sambuci et rob. sambuci 3) Spirit. Minder.

4) Tartarus emeticus 5) Nitrum antimonial. per inspissationem paratum 6) Mixtura simplex cum vel sine camphora 7) Campho-

n) BOERHAAVE Aphor. 1493., TISSOT l.c. p. 203. VOGEL l. c.

O) Eximium huius remedii externi effectum Berolini sub auspiciis egregii praeceptoris M. HERTZII ipse vidi in ischiade, iam per plures annos durante et nulla ratione nec internis nec externis aliis remediis cedente, nec ipsi quidem moxa, quamnis omnia antea sed frustra tentata essent. phora, si nempe sebris valde sit mitigata, pulsus mollis, caput liberum, et prima viae essent purae, quadrabunt.

Altero in casu vero, 1) Insusum slorum sambuci pro potu ordinario 2) Serum lactis sinapinatum p) 3) Decoctum radicis Graminis, Bardanae, Sarfaparillae, stipitum Dulcamarae q), ligni guaiaci etc. Sassafras r) 4) Varia praeparata antimonialia, v. c. Kermes mineral. Sulphur. aurat. antimon. tart. praecipit. in connubio falis amoniaci, tart. tartarisiti, Extr. Saponaceor., Camphorae, G. guaiaci etc. Vinum antimon. Hux. s) per se seu cum Spirit. Mindereri; aqua benedicta RVLANDI; Sulphur auratum antimon. liquid., antimon. crudum cum absorbentibus seu aromaticis iunctum 5) Aquae minerales 6) Salia alcalia volatilia t) v. c. al. c. c., liquor

p) VOGEL 1. c.

q) Memoires sur les vertus et l'usage et les effets de la Douce-amere etc. par Mr. CAR-RERE.

<sup>1)</sup> SWIETEN l. c. p. 679.

s) VOGEL l. c. p. 114.

c. c. succinat. praesertim liquor antarthriticus Elleri 7) Lignum et G. guaiacicum, vel forma decocti vel G. guaiacum cum vitello ouorum, seu cum sale C. C. seu cum cremore tartari, aut forma pillularum cum sapone veneto, praesertim pillulae a Monro v) laudatae. 8) flores fulphuris c. facharo seu cremore tart. 9) Stipites Dulcamarae vel forma decocti vel extr. in connubio aliorum antirheumaticorum, aut in vino antim. Huxh. foluti 10) Puluis Dowert 11) Extr. Cicut. vel folum vel in vino antim. Huxh. folutum 12) Aconitum, quod praesertim a STOERK w) et STOELLER x) laudatur vt specificum. 13) Flores arnicae, vel forma infusi pro potu ordinario, vel forma extracti cum aliis antirheumaticis -14) Sapo 4) vel folus vel in connubio aliorum resoluentium extr. tarax. G. amoniaci etc. - 15) Mercurius, tam dulcis,

y) MONRO l. c. p. 152.

w) Libell de Seramonio et hyoscyamo aesnito.

x) Beobachtungen und Erfahrungen. p. 146.

quam sublimatus, vel in casu venereo vel in alio obstinaci rheumatismo 27. Sed praeterea decoct. Salep, ligni Guaiaci copiose bibatur.

Et si dolores euaderent iusto vehementiores, si metuendum esset, ne illi vel indicationes, quas febris requirit, impediant, vel aliis symptomatibus spasticis ansam praebeant; tunc iidem minuendi erunt- Praesertim vbi dolores sunt magis inflammatorii, vsui sunt: 1) Venaesectiones topicae - 2) Fomentationes et epithemata ex herbis emollientibus et anodynis, ex cicuta et hyoscyamo - 3) balnea vaporosa - 4) Em. plastrum ex extr. cicutae et opio et emplast. de hyoscyamo - 5) Si plethora mitigata, finapismus seu vesicatoria in parte remota b) Opium in connubio ipecacuanhae, tartari emetici etc.

Indi-

z) LENTIN l. c. p. 124. rebellis interdum (rheumatismus) qui vero si omnia fallunt vel Mercurio corrosiuo, vel inunctione unguenti Neapolitani, in ipsam doloris sedem prudente et suspensa manu directae, viique cedit.

#### Indicatio II.

Partialis vel totalis corporis debilitas tollenda, sicque recidiuae sunt praeuertendae: Quem in finem adhibenda funt. 1) Frictioones continuatae - 2) alimenta facile digerenda — 3) Commotiones corporis modicae in aere sicco et libero -4) electricitas - 5) Aegroti diu adhuc post superatum morbum defendantur contra humiditatem et perfrigerium; quem in finem saepe commendantur indusia lanea commutatio domicilii - b) Lotio partium debilium ope aquae frigidae seu balnea frigida - 7) balnea stillatitia, et si rigiditas partis affectae remansisset, animalia - 8) Tandem roborantia, praesertim amara, v. c. Quassia, Valeriana, infusum flor. Chamomillae, cardui bened., Centaurei minoris et praeprimis rubia tinctorum, cortex Peruviamus a), atque aquae minerales omnem absoluunt paginam.

Ex hac amborum, quoad curandi methodum, instituta comparatione, vnusquis-

a) VOGEL 1. c. p. 112.

quisque, a me non admonitus, intelliget, hosce duos morbos, quamuis in vniuerfum multum habeant similis in cura, tamen ex plurimis nominibus non exiguam hoc respectu admittere dissimilitudinem. Nam praeter illud, iam supra breuiter expositum discrimen, quod scil. curatio arthritidis multo difficilior sit quam rheumatisini, cui multo saepius et facilius potest mederi, etiam in variis medicaminibus non leuis diuersitas reperitur; sic v. c. Mercurium cel. LENTIN b) probatissimum remedium in pertinaci rheumatismo expertus est, quum e contrario hoc ipsum medicamen in arthritide regulari vera nulhus viilitatis sit, et docente Monro c) speciei tantum arthritidis spuriae, quae originem a malo Celtico trahit, prosit. Ita etiam funt medicamina, vbi contrarium obtinet, v. c. Acidum HALLERI, iterum auctore Lentino, eximium commodum affert

b) vid. supra Nota z) c) Quarin l. c. p. 280.

affert arthriticis, nemo autem eius vim in rheumatismo animaduertit. Hactenus de similitudine et diuersitate curandi methodi.

Consideremus nunc in sequenti sectione, ve tandem aliquando propius ad scopum et sinem huius scriptiunculae accedamus, quaenam ex comparatione phaenomenorum, caussarum et medelae veriusque morbi colligi possint; verum scil. discrimen inter hos morbos constituendum sit, et, si locum habeat, quatenus ad id attendendum, et quanti momenti sit, ve hoc discrimen respiciatur.

#### SECTIO IV.

### QVID EX OMNIBVS HVCVSQVE CONSIDE-RATIS COLLIGI POSSIT?

Quo diutius, confiteor, hanc rem animo volui, et quo propius horum morborum naturam in elaboranda hac dissertiuncula perspexi, eo magis mirum mihi visum est, quod non solum veteres, sed etiam recentiores, iique viri magna auctoritate, his duobus morbis identitatem, ve aiunt,

aiunt, tribuerint. Omnia vel tamen plurima requisita, quae, secundum regulas initio opellae praemissas, nos inducerent, vt hos duos morbos prorsus pro vno eodemque haberemus, desunt. Etenim ex signis characteristicis et caussis praecipuis arthritidis, quas prima sectio exposuit, nec minus ex comparatione illorum rheumatismo in secunda sectione instituta, manischte elucescit, et phaenomena et causfas horum morborum paululum tantummodo inter se commune habere; tertia denique sectio plures ratione medelae diuersitates nobis osten, dit. Si itaque in duobus morbis haecce tria summa momenta, phaenomena, caussae et curatio differunt, quonam iure eos non solum cognatos, sed duos adeo vnum existimemus? At obiiciet aliquis cum cel. STOLLIO, quum ipse confiteris et confiteri debes, curam vtriusque morbi, excepta exigua diuersitate, omnino esse eandem, sequitur, vt omnia alia discrimina nullius practicae vtilitatis sint; cui itaque bono morbos distinguamus? Sed facile et quidem auctoritate eiusdem STOLLII responderi potest, quamuis ex aliquo discrimine nulla essentialis vtilitas indicationi therapeuticae oriatur, istud tamen discrimen non negligendum esse, quandoquidem prognosin magnopere adiuuat. Et sane neque a medico neque ab aegroto contemnen-

G 2

dum

as frever

dum est commodum, si, vt CVLLEN inquit, semper ex caussis praegressis, ex dispositione, ex redeuntibus paroxysmis, aliisque, certo constitui potest, vtrum contra morbum ex leuioribus caussis conflatum, ideoque sanatu faciliorem pugnandum sit, an morbus ex longe grauissimis caussis ortus, et per totam substantiam diffusus superandus nobis se offerat, vbi ergo salutis spes multo minor est. Vt eiusmodi discrimen, quod folum respectu prognoseos alicuius ponderis sit, id considerat egregius STOLL, quod ex diuersa caussarum excitantium indole proueniat. En vobis ipfissima eius verba: Atque se aliquod set discrimen inter rheumatismum et arthritidem, id omne a varia caussa excitante deriuandum esse arbitror. Ceterum hos duos morbos omnibus aliis nominibus prorsus eosdem esse censet, ita etiam respectu materiae, acrimoniae seu plethorae acris, vti eam vocat. Quod ad hoc posterius attinet, nimirum materiam amborum morborum eandem esse, non possum, quin ipse sententiae eius subscribain; siquidem cuncta discrimina, quae hucusque in materiae natura constituere voluerunt, non folum nullis nituntur argumentis et precarie adfumta funt, sed, cum difficultates tollere deberent, plures adhuc mouent; Ita v. g. comparatum est cum magno illo discrimine inter peculiarem vtriusque morbi materiam, a cel. MACBRIDE constituto, cuius iam supra mentionem seci; hoc enim non solum multisariae dissicultates ratione similitudinis et diuersitatis in medela e medio non tolluntur, sed cel. STOLL maximo suo iure de eo monet: "Sed immemor erat vir dostissi"mus, rheumatismos in arthritides saepissme mu"tari, atque iuuenes aetate vegeta rheumatismis
"vexari solitos, aetate magis prouesta arthriticos
"euadere f).

Materiam itaque amborum morborum eius. dem prorsus indolis esse cum hoc clarissimo auctore vt vero proximum concedendum esse videtur; sed si ideo omne aliud discrimen, praeter id, quod in caussis excitantibus manifestatur, reiicere vellemus, ex altera parte nimis longe a vera rei natura recederemus, nec quidquam de difficultatibus imminuendis lucraremur. Nam ex solo discrimine, quod in caussis remotis inuenitur, nondum satis apparet, quomodo duo morbi, ceterum indole seu caussa proxima prorsus congruentes, tamen ratione medelae tam manifestam diuersitatem prae se ferant? cur alter longe facilior curatu sit altero? cur adeo inuicem alteri remedium optimo cum fuccessu adhibeatur, quod in altero irritum est? Quae cum ita fint, nonne ita lis dirimi potest? vt, posita eadem indole peculiaris materiae,

tamen essentiale vtriusque morbi discrimen constituatur, idque non coniecturis solum superstructum, sed aeque experientia sultum, quam issud caussarum remotarum discrimen? quo constituto, saltem ex meo iudicio omnes tum similitudines tum discrepantiae, in his morbis obuiae, longe saciliores se praebebunt explicatu. Atque hoc discrimen essentiale id ipsum est, quod iam supra, vbi de caussa proxima sermo erat, commemoraui.

Pluribus enim atque grauissimis argumentis ibi maxime probabile euictum est, caussam proximam arthritidis quasi duplicem esse, i. e. praeter acrimoniam humorum (de qua iam dixi, eadem esse natura quam illam in rheumatismo) etiam vitium in systemate neruoso adesse, sit vel caussa, vel concaussa vel effectus huius acrimoniae, tamen haec coniuncta demum caufsam proximam arthritidis efficiunt; in rheumatismo contra nihil nisi acrimonia tamquam proxima caussa spectandum est. Quod quidem discrimen essentiale nonne ex omnibus supra dictis apparet in rei ipsius natura fundatum? Porro nonne hac ratione multo melius intelligitur, quare in vtroque morbo eadem remedia vsui esse posfent, quatenus scil. contra eandem acrimoniam dimicant; quare rheumatismi, in quo sanando folummodo acrimonia eliminanda est, curatio longe expeditior et frequentior sit, quam arthritidis a hope

tidis, vbi cum morbo totius substantiae res gerenda est, et medicamina adhibita ex vna ratione prodesse, ex altera obesse solent.

SYDENHAMVS ergo aperte iam hanc ex duabus remotis caussis compositam caussam proximam arthritidis exponens, diferte: Hae, inquit, caussae ita toto coelo, quod aiunt, a se inuicem discrepant, vt quae huic prosunt remedia alteri obsint, unde hic affectus ita curatu perdifficilis. Quid? quod ipsae exiguae curationis diuersitates melius eo explicantur; v. c. quod Mercurius, efficacissimum contra omnes fere acrimonias medicamen, maximi emolumenti sit in rheumatismo, nec tamen in arthritide aliquid valeat', in qua non folum contra acrimoniam agendum est, vbi itaque cum sit remedium irritans, nociuos adeo effectus edere potest; et inuicem quod acidum HALLERI vt egregium antispasmodicum arthritidi solummodo vtile sit nec rheumatismo? Denique arctissima vtriusque morbi cognatio et frequens rheumatismi in arthritidem transitus nullo alio modo melius perspici posse videtur. ITA, vt tandem peroremus, ARTHRITIS ET RHEVMATIS-MVS, LICET QVAEDAM CVRANDI METHODI AEQVALITAS ADSIT, NON SOLVM FORMA ET CAVSSA REMOTA, SED ETIAM CAVSSIS PROXIMIS, ITAQVE ESSENTIALITER DI-VERSA SVNT.

# Thefes.

I. Praeter folitas atque cognitas secretionis vrinae vias alias adhuc esse debere, easque cum vesica immediate coniunctas, tum ex recentioribus experimentis, tum ex atiis rationibus verosimillimum est.

II. Aeque probabile redditum est recentibus anatomiae detestionibus, arteriam hepaticam non solum vas nutriens a natura constitutam esse, sed etiam partes

fuas agere in secernenda bile.

III. Vis neruea eandem habet rationem ad irritabilitatem fibrarum muscularium, quam quilibet alius stimulus ad corpus irritabile, ita vt vis neruea ipsa longe ab irritabilitate absit.

IV. Aeris salubritas non semper ex gradibus Eudiometri

computanda eft.

V. Aquae phagedaenicae praeparatio cum fola aqua deflillata priscae illi methodo, quae aquam calcis in hunc vsum adhibebat, longe praeserenda videtur.

VI. Similiter methodus nuper ab Hahnemanno laudata, scil. in vino aliis liquoribus vel minimam Saturni quantitatem detegendi, tanquam multo securior et accuratior, veteri illi Gaubii methodo, quae ope liquoris probatorii instituitur, longe anteponenda est.

vII. Methodus nuperrime a Plouquet commendata docimasiam pulmonum instituendi, propter multas, quibus coniuncta est difficultates, et fallaciam haud

adhibenda est.

VIII. Submersi plerumque morte suffocatiua, non apo-

plectica obeunt.

IX. Čel. Pottii confilium, vt in omnibus cranii fracturis statim trepanatio siat, non solum nullis argumentis fulsum, sed etiam periculosum existimo.

X. Fracturae cranii, nisi simul externae integumentorum laesiones adsunt, quibus ope visus et tactus detegi possint, omnibus peculiaribus signis destitutae sunt.

XI. Aduersus vomitoria, si vera indicatio vrget non datur vllum verum contra-indicans, praeter inslam-

mationem ventriculi.

XII. Quod praestat anatomia et physica scientia physiologiae, scil. ve cognitionem intuitiusm praebeant, idem praestant clinicae exercitationes pathologiae.



